

ପିଲିପୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ପିଲିପି କୁଲମିତାକି ପାଞ୍ଚୁଲ ରାଢ଼ାମାନି ଆକୁ ମୂଳୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷୀ ତାମ୍ଭୁ ପାଞ୍ଚୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଢ଼ିମାନେସି । ପାଞ୍ଚୁଲ ରମ୍ଭତି କାୟିଦିତା ମାଚାଟି ଇ ଆକୁ ରାଢ଼ା ଡ଼ୟିନେସି୧:୧୩ । ପିଲିପି ଗାଡ଼ା ବିତ୍ରା ଆହାମାନି କୁଲମିତାକି ଇ ଆକୁ ରାସ୍‌କି ଆହାମାଚେ । ମାର ପାଣ୍ଡୁଝିଆହାମାନି ପତିତା ଜିକେଏ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି । ପିଲିପି ମାକିଦନିୟାତି ରାଜିତି କାଜା ଗାଡ଼ା ମାଚେ । ଇଦି ମାକିଦନିୟାତା ଆଡ଼ି ମୂଳୁ କୁଲମି ମାଚେ । ପାଞ୍ଚୁଲ ଅଡ଼େ ସିଲା ଆଣ୍ଡୁଝି ଆହାନା ଇ କୁଲମି ମାଚ୍‌ହା ମାଚେରି । ଅଡ଼େ ଏମ୍ବାଆଁ ମାଚାଟି ର ଲାଆଁୟାଁ ତାକି କାୟିଦିତା ଇଚ୍‌କି ଆହାମାଚେରି କାମା ୧୭ ।

ପାଞ୍ଚୁଲ ଇ ଆକୁ ରାଚାଲି ହାଚ୍‌ରେକା କାତା ଡ଼ୟିନେ । ଏଞ୍ଜାସି କାୟିଦିତା ମାନି କାତା ଖେଞ୍ଜାନା ଲକୁ ଦାନା କୃଡ଼ି କିହାନା ପାଣ୍ଡାମାଚାକି କୁଲମିତି ଜହରା କିହାଲିତାକି ଆକୁ ରାଢ଼ିମାନେସି ୪:୧୦-୧୯ । ଏଞ୍ଜାସି ତାନି କାୟିଦିତା ମାନି କାତା ଖେସାନା କୁଲମିତା ତିମତି ଅଡ଼େ ଏପାପ୍ରଦିତାକ୍ ହେରପି ମାନେସି, ନାମିତି ତାୟିୟାଁ ଏନିକ୍ ଏଞ୍ଜାରାକ୍ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ ।

ପତିତା ମାନାୟି

୧. ପିଲିପି କୁଲମିତି ପାଞ୍ଚୁଲତି ଜହରା । ୧:୧-୨
୨. ପାଞ୍ଚୁଲତି ମାଣକି ଅଡ଼େ ଏଞ୍ଜାଣି ଅଣ୍‌ପୁ । ୧:୩-୨:୩୦
୩. ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଖେହ୍‌ନାୟି । ୩:୧-୪:୯
୪. ପାଞ୍ଚୁଲ ଦାନା ତାକି ପିଲିପି କୁଲମିତା ଜହରା ଖେହ୍‌ନାୟି । ୪:୧୦-୨୩

ପାଞ୍ଚୁଲତି ଜହରା ଅଡ଼େ ପ୍ରାଡାନା

୧ *ପାଞ୍ଚୁଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଙ୍ଗା, ପିଲିପି ଗାଡାତା ମାନି କ୍ରୀସ୍ତ ଜୀସୁ ତାଣା ଡୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜା କୁଲମିତି ସେବା କିନାରାକି ଇ ଆକୁ ରାସ୍ତକି ଆହାମାନେ ।

୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଇଞ୍ଜା ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ ।

ପାଞ୍ଚୁଲତି ପ୍ରାଡାନା

୩ ନାନୁ ମିଙ୍ଗେ ଏତର ଦେବା ଅଣ୍ପି ମାଞ୍ଜାଇଁ, ଏତର ଦେବା ନା ମାହାପୁରୁଇଁ ଜହରା କିହିମାଇଁ । ୪ ନାନୁ ବାରେଦିନା ମିଙ୍ଗେତାକି ପ୍ରାଡାନା କିନାଟି ନାନୁ ହାରେକା ରାହାଁତଲେ ପ୍ରାଡାନା କିହିମାଇଁ, ୫ ଏଦାଆଁତାକି ଇଚିହଁ ମୀ ମୂଲୁ ଦିନାଟିଏ ନୀଏଁ ପାତେକା ନେହଁ କାରୁ ଝେକହାଲି ମୀରୁ ନାଙ୍ଗେ ସାଢେମି କିହିମାଞ୍ଜାଦେରି, ୬ ଏଦାଆଁତାକି ନାନୁ ଇ କାତାଟି ସାତା ଇଞ୍ଜା ଅଣ୍ପିମାଇଁ, ଆମିନି ପ୍ରବୁ ମୀ ତାଣା ଇ ନେହଁ କାମା ମାଟହାମାନେସି, କ୍ରୀସ୍ତ ଜୀସୁତି ଝେଣ୍ଡାଞ୍ଜାନ୍ତି ଦିନା ରାନ୍ତି ପାତେକା ଏଞ୍ଜାସି ଏଦାଆଁ କିନେସି । ୭ ଅଡ଼େ ମୀ ବାରେତାକି ନା ଇଲେତି ଅଣ୍ପିନାୟି ମାନେ, ମୀରୁ ବାରେ ଏନିକଁ ନା ତଲେ ନେହଁ କାରୁ ଝେକନ୍ତି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମ୍ପାଟି ସାତା ପାରମାଣା ତସାଲି ନା ତଲେ ଆଣ୍ଡାମାଞ୍ଜାଦେରି, ଏଦାଆଁତାକି ନାନୁ ନା ହିୟାଁତା ମିଙ୍ଗେ ଆବାମାଞ୍ଜାଇଁ । ୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେଟାଆହାମାଇଁ ଇଞ୍ଜା ଏଚିବେଲାତା ନାନୁ ଝେହ୍ଇଁ, ଏଦି ସାତା, ଏଦାଆଁତାକି ମାହାପୁରୁ ନା ସାକି ।

୯ ଅଡ଼େ, ନା ପ୍ରାଡାନା କିନାୟି ଇଦି, ମୀ ଜୀସୁନନାୟି, ନେହଁ ବୁଦି ପୁନାୟି, ଅଡ଼େ ବାରେ ନେହଁ ଅଣ୍ପୁ ହାରେ ହାରେକା ପାତା ଆପେ, ୧୦ ଏନିକିହଁ ମୀରୁ ଏନାୟି ନେହାୟି ଏଦାଆଁ ଆଚାଲି ଆଡ଼ିଦେରି, ଆତିହଁ ମୀରୁ କ୍ରୀସ୍ତତି ଞ୍ଜାନ୍ତି ଦିନାତା ସୁଦୁ ଗାଟାତେରି ଆଦେରି, ଅଡ଼େ ନିନ୍ଦା ଗାଟାତେରି ଆଅତେରି, ୧୧ ମାହାପୁରୁତି ଗାଞ୍ଜୁରମି ଇଞ୍ଜା

☆ ୧:୧ ୧:୧ କାମା ୧୭:୧୨

ନେହଁ ଝେହ୍ନାଣି ତାକି ମୀ ଜୀଝୁ ଜୀସୁ କ୍ରୀସୁ ହୀହାମାନି ବାରେ
 ନେହଁ ଗୁଣୁ ବେଟାଆନେ ।

କ୍ରୀସୁ ତାଣା ନୀତିନାୟି

୧୨ ତାୟି ତାଜିସ୍ତାତେରି, ନାଜେତାକି ଏନା ଏନାୟି ଆହାମାଜାନେ,
 ଏ ବାରେ ନେହଁ କାରୁ ପାତାଆହାଲି ତାକି ଆହାମାନେ, ଇଦାଆଁ
 ନାନୁ ମିଜେ ପୁଣ୍ଠି କିହାଲି ଅଣ୍ଠିମାଲ୍; ୧୩ ଇତିହଁ ନାନୁ
 କାୟିଦିତା ମାଚାୟି କ୍ରୀସୁ ତାକି, ଏଦି ରାଜା ଇଲୁତା କାଃଆନି ବାରେ
 କସ୍ତା ଇଞ୍ଜା ଏଟ୍‌କାତି ବାରେଜାଣା ନକିତା ତଞ୍ଜାଆଡେ; ୧୪ ଅଡେ
 ଜିକେଏ ହାରେକା ତାୟି ତାଜିସ୍ତା ନାନୁ କାୟିଦିତା ମାନାକି, ମାହାପୁରୁ
 ତାଣା ବାସୁଁ ଇଟାନା ଆଜାଆନା ମାହାପୁରୁତି କାରୁ ଝେକ୍‌ହାଲି
 ହାରେକା ସାସା ଗାଟାରି ଆହାମାନେରି ।

୧୫ ଆମ୍ବା ଆମ୍ବାଆରି ତାହାରା ଅଡେ ଗଡ଼ହା ତାକି କ୍ରୀସୁତି କାତା
 ଝେକ୍‌ହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ
 କିହିମାନେରି; ୧୬ ନାଜେ ନେହଁ କାରୁତି ସାକି ଆହାଲିତାକି
 ମାହାପୁରୁ ଆଚାମାଜାତେସି, ଏଦାଆଁ ପୁଞ୍ଜାନା ସାତା ଜୀଝୁ ନନାଣି
 ତାକି ଏଦାଆଁ କିନେରି, ୧୭ ଏଟ୍‌କାତାରି ମାନି ତଲେ କ୍ରୀସୁତି ବଲୁ
 ଝେହ୍‌ଆନା ଜାହାରା ଲାବା ତାକି କିହିମାନେରି । ନାନୁ କାୟିଦିତା
 ମାନାଟି ନା ହିୟାତା ହାରେକା କସୁ ହୀହାଲି ଏଞ୍ଜାରି ଏଦାଆଁ
 କିହିମାନେରି ।

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ
 ଆପେ କ୍ରୀସୁ ସାତେଏ ଝେଜିମାନେସି, ଏଦାଆଁତାକି ନାନୁ ରାହାଁ
 କିହିମାଲ୍, ଅଡେ ଜିକେଏ ରାହାଁ କିହେମାଲ୍ ।

୧୯ ଇତିହଁ ନାନୁ ପୁଞ୍ଜାମାଲ୍, ମୀ ପ୍ରାତାନା ଇଞ୍ଜା ଜୀସୁ କ୍ରୀସୁତି
 ସୁଦୁଜୀଝୁତି ସାୟେମି ତଲେ ନା ଗେଲ୍‌ପିନାୟି ଆନେ, ୨୦ ଏଦାଆଁତାକି
 ନା ରଣିଏ ଆସା ଅଡେ ବାସୁଁ ମାନେ, ନାନୁ ଏଦି କାତାତା ଜିକେଏ
 ଲାଜା ଆଅଁ, ସାମା କାଲେଏ ଏଦିକଁ ଆହିମାରେଏଁ, ନୀଏଁ ଜିକେଏ
 ଏଲେକଁ ହାରେକା ବାଡ଼ୁୟୁ ତଲେ ହାଡ଼ିହଁ କି ଜୀଝୁ ମାଚିହଁ,
 କ୍ରୀସୁଲ୍ ନା ଆଜା ତଲେ ଗାଝୁରମି କିଲ୍ । ୨୧ ଇତିହଁ ନା

☆ ୧:୧୩ ୧:୧୩ କାମା ୨୮:୩୦

ନୀତାମାନାୟି ଖାରଇ କ୍ରୀସ୍ତ, ଏଦାଆଁତାକି ନାନୁ ହାନାୟି ନାଙ୍ଗେତାକି ଲାବା । ୨୨ ସାମା ନାନୁ ଆଙ୍ଗା ତଲେ ନୀତା ମାଞ୍ଜାନା ହାରେକା ପାଡ଼େୟି ଆୟାଲି ଆଡ଼ିଇଁ, ଆଡ଼ିହିଁ ନୀତାମାନାଣି କି ହାନାଣି ବାତି କିଇଁ ନାନୁ ପୁଞ୍ଜାଲି ଆଡ଼ିହିଲଅଁ । ୨୩ ନାନୁ ରୀ ଖାକି ରେସକି ଆହିମାଇଁ; ଇ ଜୀଞ୍ଜୁତି ପିସାନା କ୍ରୀସ୍ତ ତଲେ ମାଞ୍ଜାଲି ଅଣ୍ପିମାଇଁ, ଏଡ଼ି ହାରେକା ନେହାୟି; ୨୪ ସାମା ନାନୁ ଆଙ୍ଗା ତଲେ ମାନାୟି ମିଙ୍ଗେତାକି ହାରେକା ଲଡ଼ାମାନେ । ୨୫ ନାନୁ ନେହିଁ କିଁ ପୁଞ୍ଜାମାଇଁ, ନାନୁ ଡ଼ୟିଇଁ, ହାଅ ମୀ ନାମୁ ଅଡ଼େ ରାହାଁତି ପାଡ଼ିକିହାଲି ମୀ ବାରେ ତଲେ ଡ଼ୟିଇଁ, ୨୬ ଏନିକିଁ ମୀ ବିତ୍ରା ନା ଖେଣ୍ଡା ଖାଡ଼ାକି ନା ତାଣାଟି କ୍ରୀସ୍ତ ଜୀସୁ ତାଣା ମୀ ବଡ଼ପଣ ଗାଡ଼ିଆନେ ।

୨୭ ନା ଅଣ୍ପୁ ଇଦି, କ୍ରୀସ୍ତତି ନେହିଁ କାରୁତି ଜଗେତି ଲକୁ ଲେହେଁ ନୀତାଦୁ, ଏନିକିଁ ନାନୁ ମୀ ତାଣା ଖାହାନା କି ହେକ ମାଞ୍ଜାନା ମୀ କାତା ଖେଞ୍ଜାହାଁ ପୁଞ୍ଜାଲି ଆଡ଼ିଇଁ, ମୀରୁ ବାରେତେରି ରଣିଏ ଜୀଞ୍ଜୁ ରଣିଏ ଅଣ୍ପୁ ତଲେ ତାରିଆହାନା ନେହିଁ କାରୁତି ନାମୁ ତାକି ଜୁଜୁ କିହିମାଞ୍ଜେରି, ୨୮ ଇଞ୍ଜା ମିଙ୍ଗେ କସ୍ତ ନିନ୍ଦା ହାହିମାଞ୍ଜାନି ସାତୁୟାଲି ଏତେଲାଖା ଆଜାଆଦୁ; ଏଡ଼ି ଏଞ୍ଜାରି ନାସା ଆନାୟି, ସାମା ମିଙ୍ଗେତାକି ଗେଲପିନାୟି ମାହାପୁରୁ ହାହାମାନି ର ସିନା; ୨୯ ଇଡ଼ିହିଁ କ୍ରୀସ୍ତ ତାଣା ଖାରଇ ନାମାଲି ତାକି ମୀରୁ ପାରୁ ମୋଡ଼ା ଆହାମାଞ୍ଜେରି, ଏଡ଼ି ଆଏ, ସାମା ଏଞ୍ଜାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମୋଡ଼ା ଆହାମାଞ୍ଜାନେ; ୩୦ ☆ଅଡ଼େ ନାନୁ ଏନିକିଁ ଜୁଜୁ କିହିମାଗାଣି ମେସାମାଞ୍ଜାତେରି, ଇଞ୍ଜା ନୀଏଁ ଜିକେଏ କିହିମାନେସି ଇଞ୍ଜା ଖେଞ୍ଜିମାଞ୍ଜେରି, ଏଲେକିହିଁ ମୀରୁ ଜିକେଏ ଜୁଜୁ କିଦୁ ।

୨

କ୍ରୀସ୍ତତି ମାଣ୍ଡକି ଅଡ଼େ କାଜାପାଣା

୧ କ୍ରୀସ୍ତ ତଲେ ମାନାକି ମୀରୁ ଜୀଞ୍ଜୁତା ବାସୁଁ ବେଟାଆହାମାଞ୍ଜେରି, ଅଡ଼େ ତାନି ଜୀଞ୍ଜୁନନାୟି ମିଙ୍ଗେ ସାସା ହାହିମାଞ୍ଜାନେ । ମୀରୁ ସୁଦୁଜୀଞ୍ଜୁତା ଆଣ୍ଡିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ ରଅତେରି ରଅଣାକି ମୀ ଜୀଞ୍ଜୁନନାୟି ଅଡ଼େ କାର୍ମାମେହନାୟି ମାନେ, ୨ ନାନୁ ମିଙ୍ଗେ

☆ ୧:୩୦ ୧:୩୦ କାମା ୧୭:୧୯-୪୦

ବାତିମାଲିମାଞ୍ଜାଇଁ ମୀରୁ ରଣ୍ଡିଏ ଅଣ୍ପୁ ତଲେ, ରଣ୍ଡିଏ ଜୀଝୁ ନନାଣି ତଲେ, ରଣ୍ଡିଏ ହିୟାଁ, ରଣ୍ଡିଏ ଅଣ୍ପୁ ଆହାନା ନାଞେ ରାହାଁ କିୟାଦୁ, ୩ ମୀରୁ ମିଞେତାକି ନେହାଁଣି ଜୁପକା ଇଞ୍ଜା ହାରେକା ବଡପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଟକା ଲକୁଇଁ ନା କିହାଁ କାଜାସି ଇଞ୍ଜି ଅଣ୍ପାଦୁ; ୪ ମୀରୁ ବାରେତେରି ଖାରୁଇ ମିଞେତାକି ନେହାଁ ଆନାଣି ଅଣ୍ପାଆନା ଏଟକା ଲକୁତି ନେହାଁଣି ଜିକେଏ ଅଣ୍ପାଦୁ । ୫ କ୍ରୀସ୍ତ ଜୀସୁତି ଏନିଲେହେଁତି ଅଣ୍ପୁ ମାତେ ମୀ ଅଣ୍ପୁ ଜିକେଏ ଏଲେତାୟିଏ ଆପେ;

୬ ଏଞ୍ଜାସି ମାହାପୁରୁ ଆଡିହାଁ ଜିକେଏ,

ମାହାପୁରୁ ତଲେ ସମାନା ଆହାଁ ମାଞ୍ଜାଲି ଅଣ୍ପାଆନା ତାନି ଏ ଅଦିକାରା ପିସେସି,

୭ ସାମା ଏଞ୍ଜାସି ମାଣ୍ଡସି ଖାଣା ଆହାନା ହଲେଏସି ଲେହେଁ ଆଡେସି ।

ମାଣ୍ଡସିଲେହେଁ ଆହାନା ମାଣ୍ଡସି ଖାଣା ତଲେ ତଞ୍ଜାଆଡେସି;

୮ ଏଞ୍ଜାସି ମାଣ୍ଡସିଲେହେଁ ତଞ୍ଜାଆହାନା ହାନି ପାଡେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାଡେକା

ହୁକୁମି ମାନଞ୍ଜି ଆଡେସି ଇଞ୍ଜା ତାନୁଏ ତାଞେ ଉଣା କିହା କଡିଡେସି ।

୯ ଏଦାଆଁତାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି,

ଇଞ୍ଜା ବାରେ ଦରକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,

୧୦ ଏନିକାଁ ଲାକପୁରୁ ଅଡେ ଦାରଡିତା ଅଡେ ଦାରଡିତି ଡଇ ମାନାଇ;

ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନୁ,

୧୧ ଅଡେ ଆବା ମାହାପୁରୁତି ଗାଞ୍ଜୁରମି ତାକି ବାରେଜାଣା ତାନି ଗୁଡି ତଲେ ଜୀସୁ କ୍ରୀସ୍ତ ପ୍ରୁ ଇଞ୍ଜି ଜଲିନେରି ।

ଦାରଡିତା ଉଜେଡି ଲେହେଁ ଡୀଞ୍ଜାଦୁ

୧୨ ନା ଜୀଝୁତି ତଣେସିଙ୍ଗା, ମୀରୁ ବାରେବେଲା ନାଞେ ମାନଞ୍ଜି ଆହିମାଞ୍ଜାଦେରି, ଇଡିହାଁ ନା ନକିତା କିନିଲେହେଁ ଆଏ, ସାମା ନୀର୍ସ ନା ହିଲାଆ ବେଲାତା ହାରେକା ଆଜିତଲେ ତୀରୁଗିହାଁ ମୀରୁ ଗେଲ୍ପି ଆହାଲି ତାଲି କାମା କିଦୁ ୧୩ ଇଡିହାଁ ମିଞେ ତାନି କାମା

କିହାଲିତାକି ଇଚା ଅଡ଼େ ବାଡ଼ୟୁ କିହାଲିତାକି ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି ।

୧୪ ମୁରୁ ମୁରୁ ଅଡ଼େ ବାଦିବାଦା ଆଆନା ମୀ ବାରେ କାମା କିଦୁ, ୧୫ ଏଲେକିତିହିଁ ମୀରୁ ଦହ ହିଲାଆଗାଟାତେରି ଅଡ଼େ ସୁଦୁ ଗାଟାତେରି ଆହାନା, ଇ ଲାଗେଏତାଣି ତଲେ ନାଡ଼ିକିନି ଲକୁ ବିତ୍ରା ମାହାପୁରୁତି ଦହ ହିଲାଆଗାଟି ମୀରକା ମାସ୍କାତେରି ଆଦେରି; ଏଝାରିତାଣା ମୀରୁ ଜୀଝୁତି ବଲୁ ଆସାନା ଦାରତିତି ଉଜେଡ଼ି ଲେହେଁ ମୀରୁ ତଞ୍ଜା ଆହିମାଞ୍ଜେରି; ୧୬ ଏମ୍ବାଟି ନାନୁ ଉଜେଏ ହଟି ହିଲଅଁ କି ଉଜେଏ କାମା କିହିହିଲଅଁ, ଏ ବାରେତାକି କ୍ରୀସ୍ତୁତି ଦିନାତା ବତପଣ କିହାଲି ଆଡ଼ିଇଁ ।

୧୭ ନା ନେତେରି ମୀ ନାମୁ ତାକି ସେବାତା ଗସାଲି ପୂଜା ହାନି ନେତେରିଲେହେଁ ଡ଼ାଞ୍ଜାଲି ଆହିମାନେ, ଆତିହିଁ ନାନୁ ରାହଁ ଆହିମାଇଁ, ଅଡ଼େ ମୀ ତଲେ ଆଶ୍ଟାନା ରାହଁ କିହିମାଇଁ, ୧୮ ଅଡ଼େ ଏଲେକିହିଁ ମୀରୁ ରାହଁ କିଦୁ ଇଞ୍ଜା ନା ତଲେ ରାହଁ କିଦୁ ।

ତିମତି ଅଡ଼େ ଏପାପୁଦିତ

୧୯ ସାମା ନାନୁ ତିମତିଇଁ ତବେ ପାଣ୍ଡାଇଁ ଇଞ୍ଜିଁ ପ୍ରବୁ ଜୀସୁ ତାଣା ଆସା କିହାମାଇଁ, ଏନିକିଁ ମୀ କାତା ଝେଞ୍ଜାନା ନାନୁ ଜିକେଏ ରାହଁ ଆଇଁ । ୨୦ ଏଝାସି ରଅସିଏ ନା ଲେହେଁତି ଅଶ୍ପୁ ଗାଟାସି ଇଞ୍ଜା ଏଝାସି ସାତେଏ ମିଜେତାକି ଅଶ୍ପି ମାଞ୍ଜାନେସି । ୨୧ ଇତିହିଁ ବାରେଜାଣା ଜୀସୁ କ୍ରୀସ୍ତୁତି ସେବା କିହାଲି ଅଶ୍ପାଆନା, ଝାରଇ ତାମି ନେହଁଣି ପାରାଲି ଅଶ୍ପିନେରି । ୨୨ ତିମତି ତାୟିପାରି କିନିତାଣା ଜୀଣା ଆହାମାନାସି ଏଦାଆଁ ମୀରୁ ପୁଞ୍ଜାମାଞ୍ଜେରି; ମୀରଏସି ଆବାତି ସେବା କିନିଲେହେଁ, ଏଝାସି ନେହିଁ କାରୁ ଝେକ୍ନି କାମାତା ନା ତଲେ ସେବା କିହାମାରେସି । ୨୩ ଇତିହିଁ ନାଜେତାକି ଏନାୟି ଆନେ, ଏଦାଆଁ ପୁଟିସାରେ ଏଝାଣାଇଁ ମୀ ତାଣା ପାଣ୍ଡାଇଁ ଇଞ୍ଜିଁ ଆସା କିହିମାଇଁ; ୨୪ ପ୍ରବୁ ତାଣା ବାର୍ସୁ କିହିମାଇଁ ନାନୁ ଜିକେଏ ମୀ ତାଣା ତବେ ଝାଇଁ ।

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଝାକିତି କୁକୁ କିନାସି, ଇଞ୍ଜା ନା ଲଡ଼ାମାନାଣି ସାୟେମି କିହାଲି ମୀ ତାଣାଟି ପାଣ୍ଡୁଆହାମାନି ସେବାକିନି ଏପାପୁଦିତାଇଁ ମୀ ତାଣା ପାଣ୍ଡାଲି

ଅଶ୍ୱପିମାଙ୍କ; ^{୨୭} ଇଚିହ୍ନ ଏଞ୍ଜାସି ବାରେତେରି ମିଙ୍ଗେ ମେସାଲି ହାରେକା ଅଶ୍ୱପିମାନେସି, ଅଡ଼େ ଏଞ୍ଜାସି ଆଡ଼ିହିଲଅସି ଇଞ୍ଜି ଖେରାକି ହାରେକା କିଲିବିଲି ଆହିମାନେସି; ^{୨୭} ହାଅ, ଏଞ୍ଜାସି ହାନିଲେହେଁ ଆହାମାରେସି, ସାମା ମାହାପୁରୁ ଏଞ୍ଜାଶାଙ୍କ କାର୍ମା ମେସ୍ତେସି, ଏଞ୍ଜାଶାଙ୍କଦେହେଁ ଆଏ ସାମା ଏନିକ୍ ନାଙ୍ଗେ ଦୁକୁ ଲାକ ଦୁକୁ ଖାଏ ଏଦାଆଁତାକି ନାଙ୍ଗେ ଜିକେଏ କାର୍ମା ଆୟାତେସି । ^{୨୮} ଏଦାଆଁତାକି ମାରୁ ଏଞ୍ଜାଶାଙ୍କ ଖେଣ୍ଡେ ମେସାନା ରାହାଁ ଆଦେରି ଇଞ୍ଜା ନା ଦୁକୁ ଏନିକ୍ ଉଣା ଆନେ, ଏଦାଆଁତାକି ନାନୁ ଏଞ୍ଜାଶାଙ୍କ ପାଣ୍ଡାଲି ହାରେକା ଜାଡ଼ନୁ ଆଡ଼େଏଁ । ^{୨୯} ଏଦାଆଁତାକି ମାରୁ ଏଞ୍ଜାଶାଙ୍କ ପ୍ରବୁତି ଦରୁତଲେ ହାରେକା ରାହାଁତଲେ ଆବାଦୁ, ଇଞ୍ଜା ଇଲେତି ରୁଣ୍ଡଗାଟି ଲକୁଣି ମାନି କିଦୁ; ^{୩୦} ଏଦାଆଁତାକି ଇଚିହ୍ନ ମାରୁ ନାଙ୍ଗେ ଏମିନି ସାୟେମି କିହାଲି ଆଡ଼ାଆତାଣି, ଏଦାଆଁ କିହାଲି ଏଞ୍ଜାସି କ୍ରୀସ୍ତତି କାମାତା ତାନି ଜାଖୁତି ବାଦା ହାହାନା ହାନିଲେହେଁ ଆହାମାରେସି ।

୩

ସାତା ତୀରିଗାଟାୟି

^୧ ନା ତାୟି ଅଡ଼େ ତାଙ୍ଗିସ୍ତାତେରି, ବାରେତି ତାୟୁ ପ୍ରବୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଚାଲି ନାଙ୍ଗେତାକି ଖାହୁ ହଡ଼ିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ । ^୨ ଲାଗେଏ ପଲେଏ କାମାକିନାରି ତାଣାଟି, ନେସ୍ତକାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା; ^୩ ଏଦାଆଁତାକି ଇଚିହ୍ନ ମାରୁ ସାତେଏ ତଲୁ ଦାପି ଆହାମାନାତାୟି, ଇଚିହ୍ନ ମାରୁ ସୁଦୁଜାଖୁତି ସାୟେମି ବେଟାଆହାନା ମାହାପୁରୁଙ୍କ ସେବା କିହିମାନାୟି, ଇଞ୍ଜା ଆଙ୍ଗାତି ଲଡ଼ା ଆନି ମେରା ବାର୍ସୁ କିଆନା କ୍ରୀସ୍ତ ଜୀସ୍ତୁ ତାଣା ବଡ଼ପଣ ଆନ । ^୪ ନାନୁ ଆଙ୍ଗାତି ପାଣାପାଚୁତା ଜିକେଏ ବାର୍ସୁ ଇଟାଲି ଆଡ଼ିତେଏଁମା; ଅଡ଼େ ଆମ୍ବାଆସି ଆଙ୍ଗାତି ମେରାତା ବାର୍ସୁ ଇଟାଲି ଆଡ଼ିତେଏଁମା ଇଞ୍ଜି ଅଶ୍ୱପିନେସି, ଆତିହ୍ନ ନାନୁ ଏଞ୍ଜାଣି ଆଗାଡ଼ା

ଆଡ଼ିଲ୍; ^୫ ☆ ନାନୁ ଜାର୍ନା ଆହ୍ଲା ଆଟାଦିନା ଆହାଲିଏ ତଲୁ ଦାପି ଆଡାତେଏ, ଇଞ୍ଜା ଇସ୍ରାୟେଲ ଲକୁତି ବିନ୍ୟାମିନ୍ କୃତାତା ଜାର୍ନା ଆଡାତେଏ, ମା ଆକୁ ଆବାୟା ର ଏବ୍ରିୟ ଲକୁ ମାଚେରି, ଫେରା ମାନୁଓ ଆନି ତାଣାଟି ନାନୁ ର ପାରୁସି ଲକୁତେଏ, ^୬ ☆ ହାରେକା ରାହାତଲେ ନାନୁ କ୍ରୀସ୍ତାନା କୁଲମିତି ସାସ୍ତି ହୀନାତେଏ, ଇଞ୍ଜା ମସାତି ଫେରାତି ଦାମ୍ବୁତା ନାନୁ ଦହ୍ ହିଲାଆଗାଟତେଏ ତଞ୍ଜା ଆହିମାଚେଏ । ^୭ ସାମା ଏନାୟି ନାଞ୍ଜେତାକି ଲାବା ମାଚେ, ଏ ବାରେତି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜା ଅଶ୍ପାମାଲ୍ । ^୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜା ପୁଞ୍ଜାନା ଏଟକାତାଣି ଉଜେଏତାୟି ଇଞ୍ଜା ପିସାତୁସ୍ତେଏ; ଏଞ୍ଜା କସମି ବାରେ ହିଲାଆଗାଟାଣି ଅରୁହିତେଏ ଅଡେ ଏ ବାରେ ତୁକ୍ ଗମ୍ ଲେହେ ଆଡେଏ, ଏନିକ୍ ନାନୁ କ୍ରୀସ୍ତଲ୍ ଫେଡାଆଲ୍, ଇଞ୍ଜା ତାନି ଲକୁ ଇଞ୍ଜା ତଞ୍ଜା ଆଲ୍ । ^୯ ଅଡେ ମସାତି ଫେରା ମାନୁଓ ଆହ୍ଲା ତାରିଗାଟାଣି ଫେଡା ଆଆନା, ଏନିକ୍ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହୀହାମାଞ୍ଜାନି ନାମୁତି ତାରିଗାଟାଣି ଫେଡାଆଲ୍, ^{୧୦} ଏନିକ୍ ନାନୁ ଏଞ୍ଜାଣାଲ୍ ତାନି ଖେଶ୍ଟେ ନିଜିତି ବାଡ଼ୟୁ ଇଞ୍ଜା ଏଞ୍ଜାଣି ହାକିତା ଏଞ୍ଜାଣିଲେହେ ଦୁକୁ କସ୍ତା ଆଣ୍ଟିନାଣି ପୁଞ୍ଜାଲି ଆଡିଲ୍, ^{୧୧} ଏଦାଣିତାକି ହାଡାରି ତାଣାଟି ନାଞ୍ଜେ ନିକ୍ହାନେସି ଇଞ୍ଜା ଆସା କିହିମାଲ୍ ।

ଗୁରି ଇଟାମାନି ଚାୟୁତା ହଶ୍ନାୟି

^{୧୨} ନାନୁ ନୀଏ ଏ ବାରେ ବେଟାଆହାମାଲ୍ ଇଞ୍ଜା ନେହାତେଏ ଆହାମାଲ୍, ଏଡି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଡ଼ିଆହାମାନାକି ଏଡାଆ ଆସାଲି ହଟିମାଲ୍ । ^{୧୩} ନା ତାୟି ଅଡେ ତାଜିସ୍ତା ନାନୁ ନୀଏ ପାତେକା ଆସାମାଲ୍ ଇଞ୍ଜା ଅଶ୍ପାୟି ହିଲଅ, ସାମା ନାନୁ ର କାମା କିହିମାଲ୍, ଇତିହା ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଲ୍, ^{୧୪} କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଞ୍ଜେ ହାଟାମାଞ୍ଜାନେସି

☆ ୩:୫ ୩:୫ ରମି ୧୧:୧; କାମା ୨୩:୬; ୨୬:୫ ☆ ୩:୬ ୩:୬ କାମା ୮:୩; ୨୨:୪; ୨୬:୯-୧୧

ଏ ଦାନା ବେଟାଆହାଲି ତାକି ଗୁରି କିହାମାନି ଟାୟୁ ଝାକି ଜୀଝୁ ତୁସାନା ହଟିମାଲ୍ ।

^{୧୫} ଏଦାଆଁତାକି ଝାଦୁ, ମାର ଏଚେକା ଲକୁ ଟିକାଣା ଗାଟାତାୟି, ଇଲେତି ମନତଲେ ଅଣ୍ପିନ, ସାମା ଏ ବାରେ କାତାତାକି ମୀ ଏଟକାତି ଅଣ୍ପୁ ମାତିହ୍, ଆତିହ୍ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଡି କିୟାନେସି; ^{୧୬} ନୀଝୁପାତେକା ମାର ଏମିନି ମେରା ମାନଝି ଆହାନା ଝାହାମାନାୟି, ଏଲେକିହ୍ ଏ ନକିତା ହାଜାଅନ ।

^{୧୭} ଟାୟି ତାଜିସ୍ତା ମୀରୁ ବାରେ ଆଣ୍ଡି ଆହାନା ନା ଲେହେକି ତାକାଦୁ, ଇଞ୍ଜା ମା ତାଣା ଏମିନି ତୀରିଗାଟାଣି ମେସିମାଞ୍ଜେରି ଇଞ୍ଜା ଆମିନି ଗାଟାରି ଏଲେକିହ୍ ତାକିନେରି ଏଝାରାଲ୍ ସିନିକିଦୁ । ^{୧୮} ଇତିହ୍ ହାଚେକା ଇଲେକ୍ ମାନେରି, ଆମ୍ବାଆରି ମାଣକିତି କାତା ଅଲେ ଅଲେ ମିଙ୍ଗେ ଝେସାମାଞ୍ଜାଲ୍, ଇଞ୍ଜା ନୀର୍ବ୍ ଜିକେଏ ମିଙ୍ଗେ ଡାହି ଡାହି ଝେସିମାଞ୍ଜାଲ୍, ଏଝାରି ବାରେ କ୍ରୀସ୍ତତି ପାସି ମୁଣ୍ଡାତି ସାତୁ ଆହାମାନେରି; ^{୧୯} ଏଝାରି ବାରେ ନର୍କତା ନାସା ଆନାରି, ଆଙ୍ଗାତି ଅଣ୍ପୁ ଏଝାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଝାରି ବତପଣ କିନେରି, ଇଞ୍ଜା ଦାରତି ତାଣି ବାରେ ଅଣ୍ପେ ମାନେରି । ^{୨୦} ମାର ବାରେ ଲାକପୁରୁତି ଲକୁତାୟି, ଇଞ୍ଜା ଏମ୍ବାଟି ଜିକେଏ ମାଙ୍ଗେ ଗେଲପାନି ପ୍ରୁ ଜୀସୁ କ୍ରୀସ୍ତତି ଝେଣ୍ଡେ ଝାନାଣି କାଟିମାନମି; ^{୨୧} ଏଝାସି ତାନି ଏମିନି କାମା କିନି ବାଡୁୟୁଟି ବାରେତି ତାନି ତାଣା ଇଟାଲି ଆଡିମାନେସି, ଏମ୍ବାଟି ମା ବାଡୁୟୁ ହିଲ୍ୟାଆଗାଟି ଆଙ୍ଗାତି ତୀରି ମୁଠହାନା ତାନି ଗାଝୁରମିଗାଟି ଆଙ୍ଗା ଲେହେ କିୟାନେସି ।

୪

ହୁକୁମି ହାନାୟି

^୧ ଏଦାଆଁତାକି ଏ ନା ଜୀଝୁତି ତାୟି ତାଜିସ୍ତା । ମିଙ୍ଗେତାକି ନାଙ୍ଗେ ଏଚେକା ରାହାଁତି ଟପେରି ଲେହେ । ନାନୁ ଜାପ୍‌ହାତି ଲେହେ ପ୍ରୁ ତାଣା ତୀରିଆହାଁ ନୀତାବାଡକାଦୁ ।

^୨ ପ୍ରୁ ତାଣା ରଣ୍ଡିଏ ଅଣ୍ପୁ ତଲେ ମାଞ୍ଜାଲି ଇୟଦିୟା ଅଡେ ପୁନ୍ତୁକ୍ତି ରିଣ୍ଡାସିକାଣି ବାଡିମାଲିମାଲ୍ । ^୩ ନା କାମାତା ଆଣ୍ଡାନା ମାନ୍ତି

ତଳେ କାମା କିନାଡ଼ି, ନିକ୍ଷେ ଜିକେଏ ବାଡ଼ିମାଲିମାଞ୍ଜାଇଁ ଇ ରା ତାଞ୍ଜିସ୍ତାଣି ସାଢ଼େମି କିମ୍ପୁ, ଏନାଆଁତାକି ଇତିହିଁ କ୍ଲେମେନ୍ସ ଅଡ଼େ ନା ତଳେ କାମାକିନାରି ତଳେ ନେହିଁ କାରୁ ଝେକହାଲି ନା ତଳେ କାମା କିହାମାନୁ; ଇଞ୍ଜା ନା ତଳେ କାମା କିହାମାନାରି ଦରକା ଜୀଝୁତି ପତିତା ରାସକ ଆହାମାନୁ ।

୪ ପ୍ରବୁ ତାଣା ଆଣ୍ଟାନା କାଲେଏ ରାହାଁ କିଦୁ, ଅଡ଼େ ଝେଣ୍ଡେ ଝେସିମାଞ୍ଜାଇଁ ରାହାଁ କିଦୁ ।

୫ ବାରେ ଲକୁ ନକିତା ମୀ ସୁଦୁ ସୁଖାଲା ଅଣ୍ପୁ ତଞ୍ଜା ଆପେ । ପ୍ରବୁ ଖାନାୟି ତାଗେ ଖାଡ଼େୟିଏ । ୬ ଏନାଆଁତାକି ଜିକେଏ ଅଣ୍ପାଆଦୁ, ସାମା ବାରେତାକି ପ୍ରାତାନା ଇଞ୍ଜା ଜହରା ତଳେ ମୀ ଲଡ଼ାମାନାଣି ମାହାପୁରୁ ନକିତା ଝେହ୍ନୁଦୁ । ୭ ଏଚେଟିଏ ତେଲହାଲି ଆଡ଼ାଆଗାଟି ମାହାପୁରୁତି ହିଡ଼ଡ଼ି ମୀ ହିୟାଁ ଅଡ଼େ ଅଣ୍ପୁତା କ୍ରୀସ୍ତ ଜୀସୁ ସାଢ଼େମି ତଳେ ଗେଲପାନା ଇଟାନେସି ।

୮ ଏ ତାୟି ତାଞ୍ଜିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡ଼ା ମାନାୟି, ଏନାୟି ଟିକାଣାତାୟି, ଏନା ଏନାୟି ଅତିତାୟି, ଏନାୟି ଜୀଝୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀଝୁତା ନେହାୟି, ଏନାୟି ସାତା ଗୁଣ୍ଡୁ ମାନେ ଏ ବାରେ କାତା ଅଣ୍ପେମାଞ୍ଜୁ । ୯ ମୀରୁ ନା ତାଣାଟି ଏନାଆଁ ଜାପାମାଞ୍ଜେରି, ଝେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏନାଆଁ ହିଡ଼ଡ଼ି ହିୟାନି ମାହାପୁରୁ ମୀ ତଳେ ସାଢ଼େମି ଆୟାନେସି ।

ଦାନା ତାକି ଜହରା

୧୦ ବାରେତି ତାୟୁ ନା ତାକି ମୀ ଅଣ୍ପୁ ତଞ୍ଜା ଆହାମାନେ, ଏନାଆଁତାକି ପ୍ରବୁ ତାଣା ରାହାଁ କିହିମାଇଁ; ସାତେଏ ନା ତାକି ମୀ ଅଣ୍ପୁ ମାଚେ, ସାମା ପାରୁ ମେଡ଼ା ଆହି ହିଲଆତେରି । ୧୧ ନାକ୍ଷେ ଏନାୟି ଉଣା ମାନାକି ଝେସିମାଞ୍ଜାଆଁ, ଏନାଆଁତାକି ଇତିହିଁ ନାନୁ ଏନିଆହିଁ ମାତିହିଁ ଜିକେଏ ରାହାଁତଳେ ମାଞ୍ଜାଲି ଜାପାମାଇଁ । ୧୨ ନାନୁ ହିଲଆ ବେଲତା ବାଡ଼କାଲି ଇଞ୍ଜା ହାରେପୁରେ ମାନି ବେଲତା ଜିକେଏ ବାଡ଼କାଲି ପୁଞ୍ଜାମାଇଁ, ବାରେବେଲା ବାରେଝାକି ରାହାଁତଳେ ମାଞ୍ଜାଲି, ବାଣ୍ଡି ପାଞ୍ଜେ ତିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜାଲି, ଇଞ୍ଜା ହାରେକା ବେଟାଆହାମାନାଣି ଲେମ୍ବାଲି ଇଞ୍ଜା ହିଲଆ

ବେଲାତା ନୀତାଲି ଜିକେଏ ଜାପାମାଈ । ୧୩ ନାଙ୍ଗେ ବାଡ଼ୁୟୁ ହିୟାନି କ୍ରୀସ୍ତ ତାଣାଟି ବାରେ କିହାଲି ଆଡ଼ିଇଁ ।

୧୪ ଆଡ଼ିଜିକେଏ ମୀରୁ ନା କସ୍ତତା ଆଣ୍ଡାମାନାକି ନେହୁଁ କାମା କିହାମାଞ୍ଜେରି । ୧୫ ପିଲିପିୟ ଲକୁତେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହୁଁ କାରୁ ଝେକହାଲି ମାଟୁହି ବେଲାତା ଏଚେତା ନାନୁ ମାକିଦନିୟାଟି ହାଚାଟି ଏଚିବେଲା ମୀ ପିସ୍ପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଟି ହୀନାଣି ଅନାଣି ଲେକା ଇଟାହିଲାଆତେରି । ୧୬ ଈଈଚିହୁଁ ନାନୁ ତେସଲନିକିତା ମାଟିବେଲାତା ଜିକେଏ ମୀରୁ ନା ଲଡ଼ା ମାଚାଣି ମେସାନା ହାରେକା ଦେବା ଦାନା ପାଣ୍ଡାତେରି । ୧୭ ନାନୁ ମୀ ତାଣାଟି ଦାନା ଅହାଲି ଅଣ୍ପି ହିଲଅଁ, ସାମା ଏମିନି ପାଡ଼େୟିଟି ମୀ ଲେକା ହାରେ ହାରେକା ପାତାଆହିମାନେ, ଏଦାଆଡ଼ି ନାନୁ ମେସାଲି ଅଣ୍ପିମାଈ । ୧୮ ନାନୁ ବାରେ ବେଟାଆହାମାଈ, ଈଞ୍ଜା ନାଙ୍ଗେ ହାରେପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପ୍ରଦିତ ତାଣାଟି ବେଟାଆହାମାଈ, ଏ ବାରେ ନାଙ୍ଗେତାକି ସାରି; ଏ ବାରେ ମାହାପୁରୁ ନକିତା ହେର୍ପାନା ହୁଡ଼ିମାନି ଗାନ୍ଦାଗାଟି ଦୁପୁଣି ଲେହେଁତାୟି । ୧୯ ଅଡ଼େ ନା ମାହାପୁରୁ କ୍ରୀସ୍ତ ଜୀସୁ ତାଣା ତାନି ଗାଞ୍ଜୁରମି ଦନଟି ମୀ ଲଡ଼ାମାନାଣି ହିୟାନେସି । ୨୦ ମା ଆବା ମାହାପୁରୁକି କାଲାକାଲାତାକି ଗାଞ୍ଜୁରମି ଆପେ । ଆଫେନ୍ ।

ଜହରା କିହାନା ଆକୁତି ରାପ୍ନାୟି

୨୧ କ୍ରୀସ୍ତ ଜୀସୁ ଦରୁତଲେ ବାରେ ମାହାପୁରୁ ଲକୁଇଁ ଜହରା ଝେହୁଦୁ, ନା ତଲେ ଈ ଚାୟୁତା ମାନି ତାୟି ତାଙ୍ଗିସ୍ତା ମିଙ୍ଗେ ଜହରା ପାଣ୍ଡିମାଞ୍ଜାନେରି । ୨୨ ବାରେ ମାହାପୁରୁ ଲକୁ ଈଚିହୁଁ ବାରେକିହାଁ କାୟିସର ଈଲୁତା ମାନାରି ଏଞ୍ଜାରି ମିଙ୍ଗେ ଜହରା ପାଣ୍ଡିମାଞ୍ଜାନେରି ।

୨୩ ପ୍ରବୁ ଜୀସୁ କ୍ରୀସ୍ତଟି କାର୍ମାମେହନାୟି ମୀ ବାରେ ଜୀଞ୍ଜୁତା ମାଣ୍ଡେ ।

ପୁସ୍ତକ ଫେରା

The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33